

# „Smy přihotowani“

Hač do kónca měrca 2014 ma Serbski institut radže Załožby za serbski lud plan slědžerskich naprawow předpo-  
ložić. Cordula Ratajczakowa je so z di-  
rektorom instituta prof. dr. Dietrichom  
Šořtu rozmořwjała.

*Załožbowa rada njeje skrótšenja wo poť  
milionu eurow zběhnyła. Što to rěka?*

■ **D. Šořta:** Wědomostna rada Němske-  
je žada sej za tři lěta rozprawu wo pře-  
sadženju doporučenjow z ewaluacije.  
W rozprawje so podšmórnje, zo ma za-  
ložba nas dale spěchować. Wužiwamy  
wuslědki ewaluacije tuž jako argument  
přećiwo krótšenjam, tohodla smy swoje  
najwažniše zaměry załožbowej radže  
na 18 stronach zapodali.

*Załožbowa rada po wšěm zdaću njebě  
spokojom z namjetami.*

■ **D. Šořta:** Wone njeběchu hišće kon-  
kretne dosć, ale schwalene přez našu  
přiradu. Mamy nětko tři měsacy chwile  
próstwu wo plan naprawow a terminow  
spjelnić. Smy přihotowani. Statnaj se-  
kreteraj z Braniborskeje a Sakskeje, wo-  
baj člonaj załožboweje rady, chcetaj nas  
při rozsudach podpěrać.

*Njeje wokomik přestrukturowanja tróš-  
ku njezbožowny, wšako podaće so kónce  
lěta 2015 na wuměnk?*

■ **D. Šořta:** Wjedźemy cyle transparent-  
nu diskusiju wo přichodže z kolegami.  
Wosobinsce postaju změny tak daloko,  
zo změje mój naslědnik hišće móžno-  
sće k dalšemu přetworjenju.

*Što chceće změnić?*

■ **D. Šořta:** 1. januara zjednoćimy dwaj  
wotrjadaj do noweho „kulturne a stawi-  
zniske slědženja“. Nastupajo nawabjenje  
třećich srědkow wutworichmy džěłowy  
kruh, kotryž so wobstajnje wo aktual-  
nych móžnosćach informuje. Pječ ko-  
operaciskich zrěčenjow z wukrajnymi  
uniwersitami abo akademijemi hižo  
mamy. Přihotujemy nětko dalše z Insti-  
tutom za sorabistiku Lipšćanskeje uni-  
wersity. Ewaluaciska komisija namjetu-  
je přidatne džěłowe městno za zjawne  
džěło. To pak tuchwilu realistiske njeje.  
Zarjadowachmy přěni „forum z praksu“.  
Dokelž je trjeba wobstatk biblioteki a ar-  
chiwa internetnje spřístupnić, chcemy  
z digitalizaciju pokročować.